

UTUMIKI WATHU WA UMAMBO

NTHANDA YA THONGWE YA 2014

SUMANA 13 YA THONGWE

Nyimbo 131 na Phembero

Pfundziro Ya Bhibhlya Ya Mpingo:

my nsolo 2 (mph. 30)

Xikola Ya Utumiki Wa Mulungu:

Kuleri Bhibhlya: Genesi 6-10 (mph. 10)

N.º 1: Genesi 9:18-10:7 (mph. 4 peno zaku-cepa)

N.º 2: Kodi Mulungu Ndi Wakuumma Ntima Na Wakusowa Citsalakano?—bh nsolo 1 ¶6-10 (mph. 5)

N.º 3: Kodi Mulungu Asapibva Tani Thangwi Yakusowa Kulungama Kunathimbana Na Ife? —bh nsolo 1 ¶11-13 (mph. 5)

Nsonkhano Wa Basa:

Nyimbo 69

Mph. 10: Kufunika Kwa Kubwerezera Mu Utumi. Nkhani ya kucedza yakubuluswa m'bukhu ya Escola do Ministério, matsamba 206-207. Pangizani mwacigwagwa citsandzo ca ntsonga ibodzi peno ziwiri za mphangwa zenezi.

Mph. 10: Amuna Anaphata Mwadidi Mabasa Awo. (1 Tim. 3:13) Bvundzani atumiki akutumikira awiri. Ndi mabasa api anatsalakana iwo m'mpingo, kutsalakana mabasa anewa kusaphatanizanji? Thangwi yanji iwo athambaruka toera kutumikira ninga atumiki akutumikira? Thangwi yanji iwo asakomerwa kutumikira mpingo na kuh-pedzera akulu a mpingo?

Mph. 10: "Towezerani Citsandzo Ca Aprofeta—Mikeya." Mibvundzo na Matawiyo.

Nyimbo 35 na Phembero

Towezerani Citsandzo Ca Aprofeta—Mikeya

¹ 'Kodi kumala kwa makhaliro ano a pinthu kunafika lini?' Panango mprofeta Mikeya acitambo mbvundzo ubodzi ene mu ndzidzi ukhamwaza iye mphangwa za kutonga kwa Yahova thangwi ya maumambo a Israele na Yuda. Mbwenye basa yakumwaza mphangwa idacita Mikeya nee ikhali yapezi. Mu caka 740 M.N.W.,

1. Ndi mbvundzo upi wakuti panango Mikeya aucita, mphapo thangwi yanji kumwaza kwace mphangwa nee kuhali kwapezi?

mu ntsiku za Mikeya, mafala a Yahova a kufudzwa kwa Samariya akwanirisika. (Mik. 1:6, 7) Mukupita kwa ndzidzi, Yerusalem afudzwa mu caka 607 M.N.W. (Mik. 3:12) Tinatowezerana tani citsandzo ca Mikeya mu ndzidzi unadikhira ife kutonga kwa Yahova mu ntsiku zathu?

2 Khalani Wakupirira: Mikeya alemba: "Mas-eze na ipyo, ine ndinakhulupira [Yahova] mpulumusi wanga, Iyembo anadzandibvera." (Mik. 7:7) Mwandimomwene, Mikeya nee akhakhala kwene basi mbadikhira kumala kufike. Iye apitiriza kuphata basa mwakuwanga ninga mprofeta wa Yahova. Munadikhira ife ntsiku ya Yahova, tisafunkambo kucita khundu 'm'mabasa a makhaliro akucena na macitiro anapangiza kuperelika kwa Mulungu.' (2 Ped. 3:11, 12, *Tradução do Novo Mundo*) Kupirira kwa Yahova ku-sapasa anthu ndzidzi toera kutcinyuka. (2 Ped. 3:9) Natenepa, ife tisabvera cenjezo ya Bhibhlya yakutowezerana kupirira kwa aprofeta.—Tgo. 5:10.

3 Nyindirani Mphambvu Ya Yahova: Ngakhale kuti Mikeya akhali na basa yakunentsa, iye anyindira Yahova toera kuona mphambvu yakucita basa ineyi. (Mik. 3:8) Natenepa, Bhibhlya isatiwangisa toera kuphemba mphambvu ya Mulungu. Iye asapasa mphambvu mwakudzala manja kwa anyakuneta, toera akwanise kucita mabasa awo Acikristu. (Sal. 84:5, 7; Iza. 40:28-31) Musaona pyenepi mu umaso wanu wakutumikira Mulungu? Kodi musaphemba Yahova ndzidzi onseno toera akupaseni ciphe-dzo ca mphambvu yace ya nzimu wakucena?—Luka 11:13.

⁴ Kucita cifuno ca Mulungu, cikhali cinthu cakufunika kakamwe mu umaso wa Mikeya. Iye akhali wakutonga kuitiriza kuhala wakukhulupirika, maseze akhali pakati pa makhaliro akui-pa. Mu njira ibodzi ene, umumphu wathu usayeserwa ntsiku zonsene. Natenepa, tendeni tikhale akutonga kufamba mu dzina ya Yahova Mulungu wathu "kwenda na kwenda."—Mik. 4:5.

2. Tinapangiza tani kupirira mu ndzidzi unadikhira ife ntsiku ya Yahova, thangwi yanji?
3. Thangwi yanji tisafunka kuphemba Yahova toera atipase nzimu wace wakucena?
4. Umaso wa Mikeya usatipasa citsandzo canji cadidi kakamwe lero?

SUMANA 20 YA THONGWE

Nyimbo 34 na Phembero

Pfundziro Ya Bhibhlya Ya Mpingo:

my nsolo 3 (mph. 30)

Xikola Ya Utumiki Wa Mulungu:

Kuleri Bhibhlya: Genesi 11-16 (mph. 10)

N.º 1: Genesi 14:17-15:11 (mph. 4 peno zaku-cepa)

N.º 2: Kodi Dzina Ya Mulungu Ndi Ipi?—bh nsolo 1 ¶14-17 (mph. 5)

N.º 3: Dzina Ya Mulungu—Maphatisiro Na Mavukero Ace—bh Nthimiziro tsa. 195 ¶1—p. 197 ¶3 (mph. 5)

Nsonkhano Wa Basa:

Nyimbo 123

Mph. 10: Tisapfundzanji? Nkhani yakucedza. Phembani anyakubvesera toera kuleri Mateo 7:6-11. Dingani kuti mavesi anewa anatiphedza tani mu utumiki wathu.

Mph. 10: Pangizani Cilemedzo Kwa Ale Anaphata Basa Mwakuwanga Pana Imwe. (1 Ates. 5:12, 13) Nkhani yakucedza mu kuphatisira mbvundzo inatowerera: (1) Ndi mu njira zipi akulu a mpingo asaphata basa mwakuwanga pa mpingo? (2) Tinapangiza tani cilemedzo kwa akulu a mpingo? (3) Thangwi yanji ale anatsogolera m'mpingo asafunika kuwangiswa? (4) Tinawangisa tani akulu a mpingo pabodzi na mabanja awo? (5) Thangwi yanji kubvera ale anatsogolera m'mpingo kusaphindulisa mpingo pabodzi na akulu a mpingo?

Mph. 10: "Citani Pizinji Kupiringana Kuperekera Ndzanu Basi." Mibvundzo na matawiro. Phembani anyakubvesera toera kulonga maluso adapfundza iwo mu kuphata basa pabodzi na anango mu utumiki.

Nyimbo 93 na Phembero

Citani Pizinji Kupiringana Kuperekera Ndzanu Basi

¹ Mpostolo Paulu akhaona midzidzi ikhakhala iye pabodzi na anyakuhulupira andzace ninga miyai toera 'kuwangisana.' (Arom. 1:12) Mungaphata basa pabodzi na m'mwazi mphangwa ndzana mu utumiki, musaphatisira ndzidzi unoyu toera kuwangisa ndzanu? Mbuto mwakuperekera ndzanu mbamukhonda kulonga, ndiye tani

1. Tinasangizira tani maonero a mpostolo Paulu mu ndzidzi unaphata ife na anango mu utumiki?

kulonga pinthu pinakuphedzani toera kukhala m'mwazi mphangwa wakuphindulisa?

² **Kuthimizira Cinyindiro:** Amwazi mphangwa anango nkhabé cinyindiro, pyenepi pisapangizika pa maonekero a nkhopé zavo peno malongero awo. Ife tinakwanisa kuthimizira cinyindiro cawo mu kuasimba na ntima onsené. Ndi zipi njira zinango toera kuthimizira cinyindiro? Muyang'a-niri wa cisa unango mwakusudzuka asacedza na ndzace anabuluka na iye mu utumiki pya kugopa kwace, pontho kuti asaphembéra kazinji kene toera kukunda mabvero anewa. M'bale unango alonga tenepa thangwi ya pinamphedza toera kupangiza cinyindiro: "Ndisatoma na kumwetulira. Midzidzi inango ndisacita phembero toera kupangiza kumwetulira kweneku." Ciripo cinakuphedzani toera kupangiza cinyindiro mu utumiki? Cedzani pyenepi na ndzanu anabuluka na imwe mu utumiki.

³ **Gawanani Maluso Akupfundzisa:** Musaona kuti mafala akutoma, mbvundzo, peno cinthu cidacitika pacisa cisakuphedzani toera kutomesa makani? Musagumana maphindu adidi kubulukira mu kuthimizira mafala anu ene pa njira za maperekero aumboni? Panganimbo ndzanu. (Mis. 27:17) Paulendo wakubwereza, mu ndzidzi unaenda imwe munakwanisa kucedza pya cifuniro ca ulendo wanu, pontho kuti munacikwanirisa tani. Pakumala kucitisa pfundziro ya Bhibhlya, munakwanisa kufokotoza thangwi yanji mwaphatisira ntsonga, lemba, peno luso yakupfundzisa toera kuphedza nyakupfundza.

⁴ Akristu a mu pyaka dzana yakutoma nee akhali na cifuno cakuphedza anyakuhonda khulupira basi. Iwo akhaonambo kuti akhafunika kuwangisana na kupasana cipapo unango na ndzace. (Mach. 11:23; 15:32) Mpostolo Paulu apfundzisa mphale Timoti, buluka penepo amuwangisa toera kudziwisa anango pinthu pidapfundzisa iye. (2 Tim. 2:2) Tingacita pyadidi kwa Akristu andzathu mu ndzidzi unaenda ife mu utumiki, nee tisathimizira kutsandzaya kwavo na maluso awo basi tayu, mbwenye tisakomeresambo Babathu wakudzulu.—Aheb. 13:15, 16.

2. Tinacitanji toera kuthimizira cinyindiro ca ndzathu anabuluka na ife mu utumiki? Thangwi yanji pyenepi ndi pyakufunika?

3. Ndi pinthu pipi pyakuti tinakwanisa kugawana na ndzathu toera kumphedza kukhala waluso mu utumiki?

4. Thangwi yanji tisafunika kukhala na cifuno cakuphedza Akristu andzathu?

SUMANA 27 YA THONGWE

Nyimbo 106 na Phembero

Pfundziro Ya Bhibhlya Ya Mpingo:

my nsolo 4 (mph. 30)

Xikola Ya Utumiki Wa Mulungu:

Kuleri Bhibhlya: Genesi 17:20 (mph. 10)

N.º 1: Genesi 17:18–18:8 (mph. 4 peno zaku-cepa)

N.º 2: Kodi Mungakwanise Kufendedzera Mu-lungu?—bh nsolo 1 ¶18-20 (mph. 5)

N.º 3: Thangwi yanji nee tisafunika kusiya ku-pfundza Bhibhlya?—bh nsolo 1 ¶21-24 (mph. 5)

Nsonkhano Wa Basa:

Nyimbo 121

Mph. 5: Tomesani Pfundziro Ya Bhibhlya Pa Sa-budu Yakutoma. Nkhani. Longani masasanyiro adacitwa toera kuenda m'base ya m'munda pa Sabudu yakutoma ya nthanda ya Madzalo, na wa-ngisani onseno toera kucita khundu. Mwacigwa-gwa pangizani citsandzo cibodzi mu kuphatisi-ra njira za maperekero aumboni zinagumanika pa tsamba 4.

Mph. 15: Ndi Pipi Pifuno Pyanu Pyauzimu? Nkhani yakucedza yakubulusu m'bukhu *Organizados tsamba 117, ndima 1, mpaka kunkho-mo kwa nsolo. Bvundzani m'mwazi mphangwa m'bodzi peno awiri akuti akwanirisa pifuno pya-wo pyakutumikira m'base ya ndzidzi onseno. Ndi ciwangiso cipi cidadambira iwo kubulukira kwa anango? Ndi mipingizo ipi idakunda iwo? Ndi nkhombo zipi zinakhala na iwo?*

Mph. 10: “Kugawira Marevista—Kusaphedza Toera Kutomesa Mapfundziro a Bhibhlya.” Mi-bvundzo na matawiyo. Phembani anyakubvesera toera kulonga kuti akwanisa tani kutomesa pfundziro ya Bhibhlya na munthu akhagawira iwo marevista.

Nyimbo 103 na Phembero

(1 Ped. 2:2) Pakumalisa, pinthu pinaleri iwo pis-akulumiza toera kutawira pfundziro ya Bhibhlya.

2 Thirirani Mbeu Za Undimomwene: Mbuto mwakugawira kwene marevista mbamubwerera pyanu, cedzani na mwanaciro nyumba, poncho yeserani kukulisa uxamwali na iye. Pyenepi pi-nadzakuphedzani kudziwa makhaliro ace, pifuno pyace, na pinakhulupira iye, pyakuti pinadzakuci-tisani kulonga mwandzeru. (Mis. 16:23) Khunga-nyikani toera kucita ulendo onseno wakubwerezza. Pingakwanisika, gomezerani ntsonga na lemba inagumanika m'marevista, mbamuthirira mbeu za undimomwene muntima mwace. (1 Akor. 3:6) Lembani ntsiku idacita imwe ulendo wakubwerezza, buku idagawira imwe, ntsonga idacedza imwe, na lemba idaleri imwe.

3 Tisafunika Kubwerera Kangasi? Musafuni-ka kubwerera kabodzi pa nthanda toera kugawira marevista mapswa kwa ale anagawira imwe mare-vista pa nthanda. Ngakhale tenepo, mwakubvera-na na makhaliro anu na cifuno ca munthu, mu-nakwanisa kubwerera kazinji kene pa nthanda. Mwacitsandzo, pakupita sumana ibodzi peno ma-wiri pakumala kusiya marevista, munakwanisa kubwerera mbamulonga: “Ndabwera toera kuku-pangizani mwacigwagwa cinthu cibodzi m'mare-vista adakusiyirani ine.” Pyenepi pinadzacitisa mwanaciro nyumba kukhala na cifuno cakuleri nsolo unoyu. Khala iye auleri kale, munakwanisa kumphemba toera alonge maonero ace thangwi ya nsolo unoyu, na kucedza naye mwacigwagwa. Poncho, khala iye asakomerwa kuleri mabukhu athu, munakwanisa kubwerera mbamungawira tratado, bruxura, peno buku inagawira ife mu nthanda ineyi.

4 Lekani kudikhira mwanaciro nyumba aku-phembeni pfundziro. Khalani wakutoma. Maseze iye akhonda kale kupfundza Bhibhlya, m'midzi-dzi inango munakwanisa kumpangiza nsolo wa-kuti: “Kutawirwa kwa mibvundzo ya Bhibhlya” inagumanika mu *Ncenjezi*, na kuona khala iye ali na cifuno ca kudinga na imwe nsolo uno-yu. Panango munakwanisa kutomesa pfundziro pa nsuwo wa mwanaciro nyumba. Mbwenye mu-ngacimwana kutomesa pfundziro, munakwanisa kuitiriza kumbweresera marevista toera kukulisa cifuno cace.

2. Tinakulisa tani cifuno ca ale anagawira ife marevis-ta pa nthanda?

3. Tisafunika kubwerera kangasi kwa ale anagawira ife marevista pa nthanda?

4. Tinakwanisa kucitanji m'midzidzi inango toera ku-ona khala ale anagawira ife marevista pa nthanda ali na cifuno ca kupfundza Bhibhlya?

Kugawira Marevista

—Kusaphedza Toera Kutomesa Mapfundziro a Bhibhlya

¹ Anthu azinji nkhabe cifuno ca kupfundza Bhi-bhlya na ife, mbwenye asakomerwa kuleri mare-vista athu. Natenepe, gulu ya Yahova isakulumi-zza amwazi mphangwa toera kukhala na anthu anatambira marevista pa nthanda. Anthu angale-ri marevista athu mwakubwerezza-bwerezza, kazinji kene asakulisa cifuno cawo ku Mafala a Mulungu.

1. Thangwi yanji gulu ya Yahova isakulumiza amwazi mphangwa toera kukhala na anthu anatambira mare-vista pa nthanda?

Munaadzindikira Thangwi Ya Misapo Yawo

Mphangwa izi zabuluswa mu Anuário das Testemunhas de Jeová de 2013

Afrika

Tsamba 47, ndima 1 na 2

“Mulungu Anatumikira Iwe Ngwamphambvu”

Nkazi unango anacemerwa Caro anakhala ku **Uganda**, atoma kupfundza Bhibhly. Mudapita nthanda ibodzi, mamunace anacemerwa Martin, wakuti akhaphatisira pyaufiti atoma kuntingga kakamwe. Martin alonga: “Na thangwi ya mabukhu ako, mizimu ya makolo nkhabé pitabve n’nyumba mwathu.” Iye akham’menya, pontho akhanthusa mu kulonga kuti angakhonda kusiya kupfundza Bhibhly anamupha. Martin akhadasiyambo kutsalakana banjace. Caro apitiriza kuhala wakukhurudzika, akhagulisa masamba toera kuona kobiri, mbapitiriza kupfundza Bhibhly. Mu-kupita kwa ndzidzi, pidaona iye kuti umaso wace ukhali pangozwi, Caro abuluka panyumba. Iye awangisira toera kutsalakana umaso wace. Mbwenye pidabva iye kuti anace akhaduwala, Caro akwata kobiri yakucepa ikhali na iye, mbagula mitombwe mbaenda kaphedza anace.

Mudapita ntsiku zingasi, mamunace Caro am’menyerá ntokodzi mbampanga: “Mbapidakhal-a pyadidi kuti ubwerere kunyumba. Ndandzindikira kuti Mulungu anatumikira iwe ngwamphambvu, pontho iye ali na iwe. Ndaphata miyendo, phemba anthu anakupfundzisa Bhibhly toe-ra abwere kudzandipfundzisambo. Mwandimomwene, ndisafuna ndicinje umaso wanga.” Martin akhalonga undimomwene. Cincino, banjace iri yakuphatana na yakutsandzaya. Martin na Caro abatizwa pa nsonkhano wa gawo mu nthanda ya Malimwe ya 2012.

Tsamba 52, ndima 1 mpaka 6

‘Iye Andipasa Cakudya Cace na Capeu Cace’

Pa nsonkhano wa gawo wa 2010 ku **Chile**, Marcelo, wa pyaka 10 pyakubalwa, aona kuti mamuna unango akhali cifupi na iye nee akhali na buku.

Marcelo alonga na mai wace mwaciwerewere, “Iye nkhabé Bhibhly.”

Mai wace alonga: “Ona naye pabodzi m’Bhibhly yako.” Marcelo acita pyenepi. Pidatoma ndzidzi wakupuma, Marcelo apanga mai wace, “Iye nkhabé cakudya.” Mai wace aphemba kuti agawa-ne cakudya cace na mamuna unoyu anacemerwa Victor. Marcelo ampasa *sanduíche* na khomitco ya xaya. Mu ndzidzi ukhadya Victor, Marcelo ampangiza malemba onsene a Bhibhly akhakumbuki-ra iye.

Pa ndzidzi wa khundu yakumaulo, dzuwa ikhapisa kakamwe. Marcelo alonga pontho na mai wace: “Iye nkhabé capeu.”

Mai wace antawira: “Mpase capeu cako.” Marcelo ampasa. Pakumala kwa programu, Marcelo na Victor apanganizana.

Pa nsonkhano wa gawo wa 2011, Marcelo azungulira mbuto ya nsonkhano toera kuona khala Victor abwera pontho. Mwakutsandzayisa, iye akhali penepo, cakudzumisa kakamwe ndi cakuti pa-ulendo unoyu Victor akhadabvala garavata. Pidaona iye Marcelo, Victor alonga: “Ine ndiri pano lero thangwi ya mphale uyu. Caka cidamala, ndatambira ncemerero wa nsonkhano wa gawo mbandi-bwera. Mphale uyu aphatisira Bhibhly yace pabodzi na ine, andipasa cakudya cace na capeu cace. Cincino ndikupfundza Bhibhly!” Lero, Victor ndi m’mwazi mphangwa wakukhonda batizwa.”

SUMANA 3 YA MADZALO

Nyimbo 22 na Phembero

❑ Pfundziro Ya Bhibhlya Ya Mpingo:

my nsolo 5 (mph. 30)

❑ Xikola Ya Utumiki Wa Mulungu:

Kuleri Bhibhlya: Genesi 21-24 (mph 10)

N.º 1: Genesi 23:1-20 (mph. 4 peno zakucepa)

N.º 2: Ninja Pinacitisa Bhibhlya Kukhala Yaku-siyana na Mabukhu Anango?—bh nsolo 2 ¶1-5 (mph. 5)

N.º 3: Bhibhlya-Bukhu Yakubverana Na Yaku-nndendemera—bh nsolo 2 ¶6-9 (mph. 5)

❑ Nsonkhano Wa Basa:

Nyimbo 81

Mph. 10: Kugawira Marevista Mu Nthanda Ya Madzalo. Nkhani yakucedza. Tomani na kupa-ngiza kuti marevista anagawirwa tani mu kuphati-sira njira za maperekero aumboni zinaguma-nika pa tsamba ino. Buluka penepo phatisirani njira za maperekero aumboni bulukira pakuto-ma mpaka kunkhomo mu kuleri khundu ibodzi na ibodzi, fraze ibodzi peno mawiri, mbamu-phemba anyakubvesera toera kulonga cifu-ni-ro ca khundu ineyi. Kumbusani amwazi mphangwa kuti asafuna kuphati-sira mafala awo, pon-tho anakwanisa kucinja maperekero aumbon-i, peno kuphati-sira njira inango. Pakumalisa wangisani onsense toera kudzuva mwadidi mare-vista na kuagawira mwakugalamuka.

Mph. 10: Pyakufuna Pyapampingo.

Mph. 10: Munaadzindikira Thangwi Ya Misapo Yawo. (Mat. 7:16) Nkhani yakucedza yakubulu-swa mu Anuário de 2013, tsamba 47 ndima 1-2; tsamba 52 ndima 1 mpaka ndima 6. Mphangwa zenezi zathumburuzwa n'Cisena, ziri pa tsamba 4 ya Utumiki uno.

Nyimbo 25 na Phembero

Pidziwiso

■ Mabukhu anafuna kugawirwa mu nthanda ya **Thongwe na Madzalo:** *Mphangwa Zadidi Za Mulungu!* peno ibodzi mwa mabrxuruxa a matsamba 32: *Bverani Mulungu, Bverani Mulungu toera Mukhale Kwenda na Kwenda, Munakwanisa Kukhala Xamwali Wa Mulungu! Njira Ya Ku Umaso Okhonda Mala—Kodi Imwe Mwai-gurmana Kale?, A Vida—Teve um Criador?* (kwa ale ana-khonda khulupira Mulungu), *Verdadeira Fé—O Segredo de uma Vida Feliz* (yacitirwa Mamusulmano). **Muro-pe na Bwinja:** Marevista a Ncjenjezi na Despertai!.

■ Mwambo wa Mosambiki wa Basa ya Unyankhondo usaphemba kuti ana onsense a Mosambiki aende kale-mbesa ku Mbuto Yakulembera angakwanirisa pyaka 18 pyakubalwa. Ndjidzi udaikhwa toera kulembesa ndi ku-tomera ntsiku 1 ya nthanda ya Thongwe mpaka 28 ya

nthanda ya Madzalo. Akulu a mpingo asafunika kuku-mbusa amwazi mphangwa akuti ali cifupi na pyaka 18 pyakubalwa.

Njira Za Maperekero Aumboni

Toera Kutomesa Mapfundziro a Bhibhlya pa Sabudu Yakutoma mu Nthanda ya Madzalo

"Anthu anacedza na ife ali na maonero akusiyana-siyana thangwi ya Bhibhlya. Anango asakhulupira kuti iyo ndi Mafala a Mulungu, mbwenye anango asaiona ninga yakulandana na mabukhu anango. Ndi api maonero anu thangwi ya Bhibhlya?" Dikhiranu ntawiro. Mpangizeni tsamba yakumalisa ya Ncjenjezi 1 ya Madzalo, dingani pabodzi mphangwa zi-nagumanika pa mbvundzo wakutoma, pon-tho lerini lemba ibodzi mwa malemba anagumanika mu ndi-ma ineyi. Perekani marevista, pon-tho citani mas-a-sanyiro akubwerera toera kudinga mbvundzo unato-herera.

NCENJEZI 1 ya Madzalo

"Anthu azinji asafuna pya kumala kwa nkhondo pa dziko yonsene. Musanyerezera kuti mphyakukwa-nika kukhazikisa ntendere pa dziko yonsene? [Dikhiranu ntawiro.] Onani pinapikira Bhibhlya. [Lerini Masalmo 46:9.] Mwakudzumisa, pinthu pinacitika kutomera pa Nkhondo Yakutoma Ya Dziko Yon-se-ne Yapantsi mpaka lero, pisatipasa cinyindiro caku-ti mwakukhonda dembuka, Mulungu anadzakwa-nirisa profesya iyi yakumalisa nkhondo kwenda na kwenda. Revista iyi isafokotoza pyenepi."

Despertai!® de Fevereiro

"Tikucedza na anthu toera kulonga pya nyatwa inadzudzumisa anthu onsense. Pisaoneka kuti anthu nkhabe ndzidzi wakukwana toera kucita pyonse-ne pinafuna iwo. Musaona kuti ife nkhabe ndzidzi thangwi tiri na pizinji toera kucita, peno nee tisaphatisira mwadidi ndzidzi wathu uzinji? [Dikhiranu ntawiro.] Anthu azinji nkhabe diziwa kuti Bhibhlya isatipasa uphungu wadidi toera tikwanise kuphati-sira mwadidi ndzidzi. Citsandzo cibodzi ndi ici. [Lerini Afili 1:10a.] Revista iyi isapangiza njira zinai zidaphedza anthu azinji toera kuphati-sira ndzidzi wawo mwandzeru."

Ntsonga Zikulu za Basa ya M'Munda

Tiri akutsandzaya kukudziwansi kuti nkati mwa caka ca basa ca 2013 cidamala pa ntsiku 31 ya nthanda ya Malimwe ya 2013, kwakhazikisa mipingi ipswa yakukwana 59. M'ipingi ipswa ineyi muli na akulu a mpingo 117, atumiki akutumikira 119, na amwazi mphangwa a ndzidzi onsense akukwana 184 akuti akuphederza m'ipingi ineyi. Nakuti kuthimizirika kwe-neku kusapangiza pisa 3 pipswa, pisaoneka pakweca kukwa-nirisa kwa mafala a Izaiy analonga pya basa yakugumanyizwa kwa anthu: Ndine Yahova "anafuna kudzapichitisa na kuchi-mbiza" pa ndzidzi wace.—Iza. 60:22.



km1401-SENMZ
131008

